

KONTROL MOZIOA

ALDAKETA KLIMATIKOAREN AURKAKO BORROKAN EZ BETETZEEI BURUZKOA

Jon Markel Ormazabal Gaztañaga EH Bildu udal taldeko zinegotziak Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2021eko uztailleko Pertsonentzako Zerbitzuen Batzordean aztertutako interpelazioaren ondorioa da.

JUSTIFIKAZIOA

Irailaren 24an beste mobilizazio handi bat egin dute. Bi urte igaro dira hiriko larrialdi klimatikoaren adierazpena Osoko Bilkuran onartu zenetik, eta urte eta erdi, berriz, Tokiko Gobernu Batzarrak adierazpen hori egin zuenetik, haren ondoriozko zenbait ekintzarekin batera.

Nazio Batuen Erakundearen Klima Aldaketari buruzko Adituen Gobernu arteko Taldearen (IPCC) lantaldeak Klima Aldaketari buruzko Nazio Batuen Esparru Konbentzioaren (CMNUCC) seigarren ebaluazio-txostenaren laburpen-dokumentua argitaratu du. Orduan, herrialdeek egindako aurrerapenak aztertuko dituzte berotze globala 2 ° C-tik behera mantentzeko helburua lortzeko, eta tenperaturaren igoera 1,5 ° C-ra mugatzeko ahaleginek aurrera jarraituko dute. Argitaratu duten laburpen-txostenean ondorio garrantzitsu batzuk aurreratzen dira, hala nola giza jarduerak tenperaturen igoeran duen eraginaren egiaztapena, CO2 eta metanoa direla tenperatura-igoera hori eragiten duten berotegi-efektuko gas nagusiak. Era berean, baieztatu dute itzulerarik gabeko puntu batera iristen ari garela, planetari aurrekaririk gabeko estres klimatikoa jasaten ari zaiola. Gertatzen ari diren aldaketa batzuk atzeraezinak dira. Tenperaturak hazten jarraituko du, Parisko Akordioan ezarritako helburuak bete gabe. Isuriak nabarmen gutxituz soilik egoera hori bideratu ahal izango dela planteatu dute. Gaur egungo egoera orokorrak fenomeno kaltegarrien

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

maiztasuna eta intentsitatea handitzea dakar, hala nola bero-boladak, euri-jasak edo lehortekak, besteak beste.

Era berean, eta maila lokalagoan, garrantzitsua da gogoratzea Gipuzkoako Foru Aldundiak joan den uztailan aurkeztutako datuak, Gipuzkoako klima-aldaketaren inguruko eraginari eta kalteberatasunari buruzkoak. Bertan, mendearen amaieran, gure hondartzetako azalera lehorraren % 40 desagertzeko eta ordurako itsas maila 40 eta 70 zentimetro artean handitzeko aukera aurreikusi da.

Aditu nagusiek alerta gorria aipatzen dute, itzulerarik gabeko puntu bat. Eusko Jaurlaritzako Aldaketa Klimatikorako Zuzendari Adolfo Uriarte ere honela mintzo zen iragan abuztuan:

“Tampoco hay que esperar al 2025: desde ya todo debe hacerse integrando una perspectiva de cambio climático. La adaptación y la mitigación requieren acciones de todo tipo (...) Se trata de trabajar en reducir la vulnerabilidad del territorio a los efectos del cambio climático.”

Zentzu honetan, Eusko Jaurlaritzak besteak beste naturan oinarritutako irtenbideak bultzatu nahi ditu, udalerriek klima-aldaketaren aurrean duten "erresistentzia" areagotu eta ingurumen-, gizarte- eta ekonomia-onurak ekarriko dituztenak. Tokiko eskalan, espazio berdeen eta urdinen azalera handitzea esan nahi du, hiri-espazioetan eta hiri-inguruetan lehengoratzeko eta modu jasangarrian kudeatzeko, aldi berean hiri-ekologizazio prozesua sustatuz eta gizarte klima-aldaketarekiko erresilientea den hiri-eredurantzko trantsizioan integratuz.

Horiek horrela, Larrialdi Klimatikoaren Adierazpenarekin batera planteatu ziren ekintzak lehen planoan jartzeko unea da; udal politiken erdigunean bizitza, edo bizitzaren iraunaraztea jartzeko unea. Hiriak konpromiso sendo bat itxi behar du, lur berriak ez okupatzeko, egungo berdeguneak mantentzeko eta birika gisa balioko duen gerriko berde batean blindatzeko, pairatzen ari garen larrialdi klimatikoari aurre egiteko. Premiazkoa da berotegi-efektuko gasen isuriak murriztea. Beraz, ez dugu ulertzen Udal Gobernuak berdeguneekin amaitu nahi duten proiektuak sustatzea, hala nola Antondegi, edo ibilgailu pribatuz garraiatzen laguntzen duten proiektuak sustatzea.

Horregatik guztiarengatik, honako hau da behean sinatzen duen zinegotziak aurkeztutako KONTROL MOZIOA:

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

1.- Donostiako Udaltzarak hertsatuki eskatzen dio Udal Gobernuari uko egin diezaiola Larrialdi Klimatikoaren Adierazpenean jasotako jardun-bide eta ekintzak urratzen dituen edozein proiektuari.

Donostian, 2021eko irailaren 24an

Jon Markel Ormazabal Gaztañaga
EH Bildu udal taldeko zinegotzia